

Groupe parlementaire

Lëtzebuerg, den 10. Mäerz 2022

MOTIOUN

D'Chamber vun den Deputéierten:

stellt fest, datt

- d'Präisser fir ze tanken a fir ze hëtzen, säit dem Ausbroch vum Krich an der Ukrain ongebremsst an d'Luucht ginn;
- d'Steiere bei der Zesummesetzung vun den Energiepräisser eng wesentlech Roll spillen, besonnesch d'TVA an och déi op den 1. Januar 2021 agefuert CO₂-Steier;
- des Steuerbelaaschtung déi Leit mat engem klengen Revenu an déi Leit déi um Land wunnen souwéi d'Frontalieren iwwerproportional betrëfft;

ass sech bewusst, datt

- Lëtzebuerg Gefor leeft, hei op gesamtgesellschaftlech Spannungen zouzesteieren;

fuerdert d'Regierung op,

- an dëser Krichssituatioun sämtlech Steieren an Accisen op Brennstoffe fir den Auto a Mazout fir ze hëtzen doropshin op de Leescht ze huelen, wéi wäit dës Steiere kënnen erofgesat, ausgesat oder ofgeschaaft ginn;
- d'CO₂-Steier vum 14. Mäerz u bis op Weideres ersatzlos auszesetzen;
- vum 14. Mäerz u bis op Weideres de superreduzéierten TVA's Saz vun 3 Prozent op sämtlech Energieproduiten ze applizéieren;
- eng Unerkennung vun den Energieproduiten als Grondbedierfnes an eng entspreichend Steuerreform;
- eng automatesch Upassung vun der Steiertabell un d'Inflatioun;
- eng objektiv a wäertneutral Zesummesetzung vum Wuerekerf, déi och d'Energiepräisser adequat berücksichtegt.